



FLORA
KOMMUNE

Innkalling til Samferdsleutvalet

Møtedato: 03.12.2019

Møtestad: Plan- og samfunn, stort møterom.

Møtetid: 09:00 – (11:00 til 12:00: **Avslutningslunsj for å markere siste møte i samferdsleutvalet i Flora kommune**)

Den som har lovleg forfall, eller er ugild i nokon av sakene, må melde frå så snart råd er, tlf. 57 75 60 00, eller til organisasjonogpersonal@flora.kommune.no, slik at varamedlem kan bli innkalla.

Varamedlemar møter etter nærare innkalling. Alternative framlegg til vedtak i nokon av sakene kan du sende på e-post til framlegg@flora.kommune.no.

Flora kommune

Vidar Grønnevik

leiar

Ester Frøyen

sekretær

Sakliste

Saknr.	Tittel
007/19	Godkjenning av møtebok
008/19	Refererte skriv og meldingar Skriv utsendt til samferdsleutvalet

ORIENTERINGS- OG DRØFTINGSSAKER:

1. Nye hurtigbåtruteanbud frå 2022:

Saka har vore opp i Fylkesutvalet 13.11.19.

Saksdokument:

<https://innsyn.vlfb.no/Innsyn/DmbHandling/ShowDmbHandlingDocument?dmbId=480&caseType=CasesFremlegg®istryEntryId=211>

Protokoll:

<https://innsyn.vlfb.no/Innsyn/DmbHandling/ShowDmbHandlingDocument?dmbId=480&caseType=Protokoll®istryEntryId=211&sourceDatabase=>

Her må det med andre ord til ein dialog med våre fylkespolitikarar i forkant korleis ein skal gripe denne saka an i møtet 03.12.19.

2. Informasjon om pågåande NTP-prosess

Oppdatert info om prosessen ligg på regjeringen.no sine nettsider:

<https://www.regjeringen.no/no/tema/transport-og-kommunikasjon/nasjonalt-transportplan/id2475111/>

Ny NTP skal gjelde 2022-2033. Den skal vere klar i 2021. Dei tar sikte på å involvere dei statlege fagetatane i større grad, samt fylkeskommunane. Alle fylkeskommunar har gitt sine foreløpige uttaler. Sogn & Fjordane sitt vart sendt inn 09.05.19 og ligg vedlagt.

Konkret problemstilling for vår del er Avinor si holdning til utviding av Flora lufthamn, som går på tvers av våre lokalpolitiske ønsker.

3. Status framdrift Øyapakken.

Oppdatert framdriftsplan: <https://www.eninvest.no/%C3%B8ya-pakken>



Saksframlegg

Saksnr	Utvalg	Type	Dato
007/19	Samferdsleutvalet	PS	03.12.2019

Sakshandsamar	Arkiv	ArkivsakID
Arne Schei	K1-033	19/2059

Godkjenning av møtebok

Framlegg til vedtak:

Møteboka vert godkjent slik den ligg føre.

Dette dokumentet er elektronisk godkjent og har difor ingen signatur.



FLORA
KOMMUNE

Saksopplysingar:

Vedlegg:

Protokoll - Samferdsleutvalet - 16.05.2019



Møteprotokoll for Samferdsleutvalet

Møtedato: 16.05.2019
Møtestad: Pl. og samfunnavd.
Møtetid: 09:00 - 10:32

Desse møtte	Parti
Bente Frøyen Steindal	Arbeidarpartiet
Vidar Grønnevik	Høgre
Rune Otto Nilsen	Venstre

Forfall meldt frå følgjande medlemar	Parti
Solveig Willis	Arbeidarpartiet
Frank Willy Djuvik (ikkje meldt)	Framstegspartiet

Følgjande varamedlemar møtte	Parti
Kim Gunnar Jensen	Arbeidarpartiet

Møteleiar: Vidar Grønnevik
Merknad til innk.: Godkjent med slik merknad: Repr. Kim Gunnar Jensen, Ap etterlyser sak om knutepunkt Florø
Godkj. sakliste: Godkjent
Frå adm. møte: Plansjef Anders Espeset og formannskapssekretær Ester Frøyen
Utlevert i møtet: e-post frå Geir Egil Ulriksen til Anders Espeset vedk. Rutebåtar i Florabassenget og stopp i Domba, brev frå fagleiar samferdsle Einar Årdalsbakke vedk. Båtruter i Florabassenget og Domba..
Orientering: e-post frå Ole Ingar Hagen Hæreid til A. Espeseth vedk. Innspel til RTP – ønske om endring for fv.542 Eikefjord sentrum – rv5/Kvalvik
Plansjefen orienterte først om referatsak; Innspel til RTP - ønskje om endring for fv.542 Eikefjord sentrum - rv5/Kvalvik. (vart delt ut i møtet)
Andre orienteringssaker:
Status ladestasjon elbil v/A. Espeset og K. Standal Moen
Status dialog med Fylkeskommunen om nye anbod båtruter v/A. Espeset
Status breiband v/a. Espeset

Spm./interpell.:
Synfaring:
Ymse:

Sakliste

Saknr.	Tittel
---------------	---------------

005/19	Godkjenning av møtebok
---------------	------------------------

006/19	Innspel til mindre endringar båtrutene Florabassenget frå 2020
---------------	--

005/19: Godkjenning av møtebok

Framlegg til vedtak:

Møteboka vert godkjent slik den ligg føre.

Handsaming:

Samrøystes vedteke.

Vedtak:

Møteboka vert godkjent slik den ligg føre.

006/19: Innspel til mindre endringar båtrotene Florabassenget frå 2020

Framlegg til vedtak:

Samferdsleutvalet i Flora kommune ber Fylkeskommunen om følgande endringar for båtrotene i Florabassenget gjeldande frå 2020:

1. Avgang på sommar-rutene frå Florø til Kinn måndag, tysdag, torsdag, fredag og laurdag kl 11.35, og avgang frå Florø til søre distrikt (Askrova og Svanøy) fredag kl 11.35.
2. Stjernestopp i Veiesund på ruta i sør på retur frå Askrova-Svanøy med ankomst Florø 15.55.
3. Stjernestopp i Villevika på sørgåande kystvegekspress frå Smørhamn med ankomst Florø laurdag 14.25
4. Planlagte ekstraruter med bilkapasitet på dei store utfartsdagane rundt høgtider.

Framlegg til endring i pkt.4:

4. Planlegge ekstraruter med person- og bilkapasitet på dei store utfartsdagane rundt høgtider. Rute nord og vest må ikkje slåast saman. Ruta i søre dirstrikt må splittast.

Handsaming:

To skriv vedr. båtrotur i Florabassenget og Domba vart delt ut i møtet: e-post frå Ulrikksen til plansjef Espeseth, og skriv til Geir Egil Ulriksen frå fagleiar samferdsle Årdalsbakke. Båtrotur til Domba vert som før 10 anløp pr.år til 2022.

Røysting:

Tilrådinga med endring i pkt.4 vart samrøystes vedteke.

Vedtak:

Samferdsleutvalet i Flora kommune ber Fylkeskommunen om følgande endringar for båtrotene i Florabassenget gjeldande frå 2020:

1. Avgang på sommar-rutene frå Florø til Kinn måndag, tysdag, torsdag, fredag og laurdag kl 11.35, og avgang frå Florø til søre distrikt (Askrova og Svanøy) fredag kl 11.35.
 2. Stjernestopp i Veiesund på ruta i sør på retur frå Askrova-Svanøy med ankomst Florø 15.55.
 3. Stjernestopp i Villevika på sørgående kystvegekspress frå Smørhamn med ankomst Florø laurdag 14.25
 4. Planlegge ekstraruter med person- og bilkapasitet på dei store utfartsdagane rundt høgtider. Rute nord og vest må ikkje slåast saman. Ruta i søre distrikt må splittast.
-

Saksframlegg

Saksnr	Utvalg	Type	Dato
008/19	Samferdsleutvalet	PS	03.12.2019

Sakshandsamar	Arkiv	ArkivsakID
Arne Schei	K1-033	19/2059

Refererte skriv og meldingar

Underliggende saker:

Saksnummer	Tittel
	Skriv utsendt til samferdsleutvalet

Framlegg til vedtak:

Refererte skriv og meldingar vert tekne til etterretning slik dei ligg føre.

Dette dokumentet er elektronisk godkjent og har difor ingen signatur.



FLORA
KOMMUNE

Saksopplysingar:

**Sakshandsamar:**

Ole Ingar Hagen Hæreid
E-post: Ole.Ingar.Hagen.Hæreid@sfj.no
Tlf.: 41530954

Vår ref.

Sak nr.: 18/5928-14
Gje alltid opp vår ref. ved kontakt

Dykkar ref.

Samferdselsdepartementet
Postboks 8010 DEP

0030 OSLO

Dato

LEIKANGER, 09.05.2019

Nasjonal transportplan 2022-2033, innspel på hovudutfordringar

Fylkesutvalet i Sogn og Fjordane handsama sak om innspel på hovudutfordringar til Nasjonal transportplan 2022 – 2033 i møte den 9. mai 2019, sak 36/19.

Sogn og Fjordane fylkeskommune vil i sitt innspel til Nasjonal transportplan 2022-2033 peika på følgjande områder og utfordringar for transportsektoren i prioritert rekkefølge:

1. Næringsliv og befolkning må kunne sikre sitt mobilitetsbehov med trygge, effektive og klimavenlege transportformer og infrastruktur som byggjer opp om dei overordna målsettingane. Store delar av fylket er prega av vanskelege kommunikasjonsforhold, låg vegstandard og mange utrygge vegar og jernbanestrek med høg rasfare.

Sentrale punkt er:

a) Skred og flaum.

Vestland fylke er eit stort skredfylke. Som følgje av klimaendringane ser vi hyppigare tilfelle med skred og flaum. Det er derfor viktig med ei auka satsing på skredsikring av både riks- og fylkesvegnettet. Alle riks- og fylkesvegar og jernbanestrekningar i skredfarekategori høg og middels må sikrast mot skred. Det må bli utarbeida ein nasjonal plan for gjennomføring av skredsikring i skredfarekategori høg og middels i løpet av 12 år, slik det er foreslått av «nasjonal rassikringsgruppe», og at dette vert innarbeida i Nasjonal transportplan. Klimaendringane i eit 20-30 års perspektiv er omfattande, også lokalt. Det er derfor avgjerande at det ligg eit oppdatert og samanfatta kunnskapsgrunnlag til grunn for denne utfordringa.

b) Vedlikehald

Vestland fylke har eit dokumentert etterslep på vedlikehald på fylkesvegnettet på 12 milliardar kroner. I samband med NTP 2022-2033 må det sikrast tilstrekkeleg med midlar for å stoppe og redusere forfallet på riks- og fylkesvegnettet, inkludert bruer og tunnelar. Fylkeskommunen må setjast i økonomisk stand til å ivareta vegeigaransvaret på ei god måte, og å ha handlingsrom til å stoppe og å redusere forfallet på fylkesvegnettet. Utfordringa er at det manglar ein samla plan for dokumentasjon av etterslep og oppgradering av fylkesvegnettet. Tunnelsikkerheitsforskrifta er krav som nasjonale myndigheiter har vedteke, og som staten må finansiere. Det må og takast høgde for sikre tunnelar i område med lågare ÅDT enn det tunnelforskrifta tek høgde for.

c) Klima og miljø

Reduksjon av klimagassutslepp innan samferdselssektoren må bli sentralt i Nasjonal transportplan 2022-33. Å ta i bruk ny teknologi eller bidra til utvikling av ny utsleppsfrifri teknologi er både tidkrevjande og økonomisk utfordrande. Fylkeskommunen har teke store løft innan fornying og elektrifisering av ferjer, utbygginga av bybane og må nå arbeida for låg- og nullutsleppsteknologi for bussar og hurtigbåtar.

Fylket har eit velutbygd kortbanenett, og har et stort potensiale for utvikling av el-fly i passasjertrafikk. Det bør difor setjast i gang ein pilot på dette i Sogn og Fjordane.

Fylket har eit velutbygd rutenett for passasjertransport med hurtigbåtar som har eit stort potensiale for vidare utvikling med klimavenlege løysingar. Dette vil kunne gje gode

klimavennlege kollektivløysingar på kysten, til dømes hurtigbåt mellom Bergen og Ålesund når Stad Skipstunnel opnar. Dette er viktige bidrag for å nå dei nasjonale klimamålsettingane. Det er difor viktig at det etablerast støtteordningar som gjer omlegginga til utsleppsfrie hurtigbåtar mogleg.

Satsing på klimagassreducerande tiltak må ikkje gå ut over drift og vedlikehald av fylkesvegnettet eller på tilbodet av kollektivtrafikk.

Byvekstavtalane må vidareutviklast og bidra til å redusere transportmengda og endre transportmiddelfordelinga, i tillegg til å avgrensa arealbruken. Dagens ordning for finansiering av avtalen gjennom statleg tilskot og bompengar er ikkje berekraftig og må endrast. «Nullvekstmålet» som er sett for m.a. Bergensområdet vil krevja store investeringar i miljøvenlege transportformer for kollektivtrafikken og tiltak for syklende og gåande. Det må etablerast betre støtteordningar dersom fylkeskommunen skal kunne gjennomføra ytterlegare tiltak.

d) Overføring av gods frå veg til sjø og bane

Den nasjonale målsettinga om overføring av gods frå veg til sjø og bane krev framskunding av naudsynte investeringar i infrastruktur. Dette gjeld opprusting og behovet for innkorting av reisetid på Bergensbana, utbygging av intermodule hamneløysingar og etablering av nytt logistikknutepunkt for Bergensområdet. I tillegg må stamnetthamnene rustast opp til å vere gode logistikknutepunkt kor ein enkelt kan laste om gods. Opninga av Stad skipstunnel gjev ei moglegheit til å kunne transportere gods frå Trondheim til kontinentet like rast til sjøs som på veg. Framtidige prognoser og planlegging må også ta inn over seg teknologirevolusjonen innan marin skipsfart, som kan endre føresetnadane når det gjeld pris og kapasitet.

e) Trygge skuleveggar

Det er viktig at barn og unge kan ferdast trygt i trafikken og læra gode og miljøvennlege reisevanar tidleg. Derfor bør regjeringa følgja opp intensjonane i barnas transportplan med midlar til trygge skuleveggar og andre tiltak retta mot barn og unge.

f) Kortbanenettet

For delar av Vestland fylke har kortbanenettet stor betydning for næringsliv og for befolkninga. Det er behov for å oppretthalde dette og for å sikre eit akseptabelt rutetilbod, også der flytilbodet ikkje er kommersielt lønsamt. Etablering av Vestland fylkeskommune gjer at flytilbodet mellom Bergen og flyplassane i Sogn og Fjordane blir endå viktigare.

g) Ferjeavløysing

Ferjeavløysing må bli eit eige tema/strategisk satsingsområde i Nasjonal Transportplan. Staten må legge til rette for at lønsame og samfunnsøkonomisk gode ferjeavløysingsprosjekt kan realiserast snarast råd.

2. Frå 2020 blir Vestland fylke eit stort fylke med lange avstandar og ein krevjande topografi. Regionale statsetatar, høgskule, fylkeskommune, Helse Vest mfl. har behov for god og sikker intern kommunikasjon mellom dei ulike delane av fylket og ikkje minst mot Bergensområdet.

Tog er fullfinansiert av staten, i område utan slike tilbod er det fylkeskommunen som må finansiere kollektivtilbodet. Det er difor viktig at dei økonomisk er i stand til å gje same tilbod til innbyggjarane som i område med tog. Langdistansebussar er ei fleksibel, distriktsvenleg og god kommunikasjonsform. Vilråra for langdistansebussar må leggest til rette slik at det vert oppretta tenlege ruter som bind saman det nye storfylket.

Det er framleis lange strekningar på Riksvegnettet som har høg trafikk, låg standard utan gul stripe og som er svært utsett for ras. Dette gjeld særleg transportkorridorane aust/vest og nord/sør der fleire av fjellovergangane også har for dårleg regularitet om vinteren og store utfordringar knytt til tunnelsikring. Delar av riksvegnettet nord-sør og aust-vest har låg standard og manglar gul midtstripe. Sogn og Fjordane fylkeskommune prioriterer opprusting av E39 med gul midtstripe på nord-sør korridoren opprusta og ferjefri E39. Vi ber om at ein held fast på Sogn og Fjordane fylkeskommune sitt prioriterte aust-vestsamband for tungtransport er E16/RV52, som i dag ligg til grunn i gjeldande NTP. Det er fleire av fjellovergangane som har for dårleg regularitet om vinteren og har store utfordringar knytt til tunnelsikring og ras, til dømes RV15 Strynefjellet.

3. Stengde riksveggar og dårlege omkøyringsveggar på fylkesvegnettet er mellom anna til hinder for ein effektiv næringstransport. Mange fylkesveggar som er definerte som omkøyringsveg for riksvegnettet har for låg standard til å ta imot den auka trafikken. Dersom desse fylkesvegane

framleis skal vere omkøyringsveg for riksvegnettet, må fylkeskommunane settast økonomisk i stand til gjennomføre nødvendige utbetringar.

4. Høgfarts breiband til alle og full dekning av 5G mobilnett er avgjerande for vekst, utvikling, tryggleik og beredskap. I dagens moderne Norge er full og sikker tilgang til dette for alle, ein like naturleg infrastruktur som elektrisitet og vatn/avløp. Vestland fylkeskommune ventar at Staten sikrar anleggsmidlar som gjer at me får bygd ut denne infrastrukturen i heile fylket innan fem år.
5. Nasjonal transportplan må avklare samfunnsmessige og økonomiske konsekvensar og politiske val som utviklinga medfører, og utvikle ein strategi for innfasing og finansiering av ny teknologi, som til dømes hydrogen. Teknologiskifte vert kostnadskrevjande, og kan ikkje kome til erstatning for oppgradering av infrastruktur og reduksjon i vedlikehaldsetterslepet. Det må bli unngått at sjølvkøyrande bilar bidreg til auka trafikk og auka arealbeslag.

Det er viktig å sikre gode og samanhengande transportkorridorar, difor må ein relativt større del av samferdsleøyvingane gå til vegbygging, og midlane må fordelast slik at viktige vegprosjekt i distrikta vert prioriterte. Det må utviklast kriterium som sikrar dette i samband med NTP, mellom anna med større vektlegging av potensiale for verdiskaping.

6. Auken i el-bilar krev betydeleg auke i ladeinfrastruktur i heile fylket. Det er ei utfordring at dagens ladeinfrastruktur for ferjer og skip ikkje er standardisert, og derfor ikkje kan nyttast i stor grad på tvers av fartøy. Det er avgjerande at nettkapasiteten held tritt med denne utviklinga.

Fylkesrådmannen si saksutgreiing samt møteprotokoll frå fylkesutvalet si handsaming av saka.

Med helsing

Ole Ingar Hagen Hæreid
Plan- og beredskapsleiar

Brevet er elektronisk godkjent og er utan underskrift

Vedlegg:

Nasjonal transportplan 2022-2033, innspel på hovudutfordringar, saksutgreiing
Nasjonal transportplan 2022-2033, innspel på hovudutfordringar, møteprokotokoll

Mottakar (ar)
Samferdselsdepartementet Postboks 8010 DEP 0030 OSLO

Kopi til: